



E ancje se tart, o vin gust di visâus che come ogni trê mê e je jessude La Panarie, la riviste di culture furlane, plene di articui e gnovis e... ancje cualchidune des nestrîs contis, tal cjanton che nus regalî a ogni numâr.

Ve chi la introduzion dal Ostîr par discuvierzi ce che al è dentri!

O sin in spiète dal frêt, che al puarti un pôc plui di cuîet, tes storiis di ducj, ealore ancje in chest cjanton de Ostarie o sin lâts a tirâ fûr dal camarin cualchi storie cuîete, di Sierade, par gjavâi vie il polvar e tornâ a dai une cerce. La prime conte e je une rivade nuiemancul che dal 2009, an de nassude di Contecurte, e e nus fevele di une **Piece rosse**. Ma come che al faseve simpri **Frank Spada**, pseudonim dal autôr, che nus à lassât une grampe di noir-jazz une vore origjinâi, no si capî ben dulà che al vûl rivâ. Ae fin de storie, tirâts dentri intune Cividât une vore dumiestiche, al pâr simpri di jessi rivâts a capî alc, ma no dut, ma ae fin, al è biel cussì.

E dopo di cheste o tornî indaûr tal timp da cavalîrs... ma no, no chei de Ete di Mieç, ma chei che a àn fat diventâ il morâr un arbul "bandiere" dal panorame gjeografic furlan. Par no fevelâ dal mût di dî "lâ in vacje". O sin tal 2012 e i **fruts de 3A e 3B de scuele medie di Buri**, cul jutori dal Ostîr, a àn metût dongje une conte che plui che contâ une storie e poie une cjalade sul Friûl di un timp, doprant peraulis e situazions di chêt volte. E je saltade fûr une conte "di gale", buine par cui che si pierderà tai ricuarts, ma ancje par chei che a scuvierzaran robis che no san, come par **Sisto e cavalîrs**.

E stant che cu la Sierade al ven ancje il timp dal purcit, a nin a cjoli une conte di un nestri contecurtâr che al è a stâ di là de aghe... e par aghe o intindin l'ocean. O fevelin di **Galliano di Buenos Aires** che al è pardabon mestri tal misurâ lis contis, che zirant ator ator dai doimil caratars a rivin simpri li che a àn di rivâ. Provait cun cheste, dal 2019, che us fevele da **L'om dai çucui**, e soregut di Doro, cjapât dentri dai siei pinsîrs di frut. Une conte che e mostre come che ancje une fufigne e pues contâ une siore conte.

E par sierâ, o nin a cjoli alc che al fâs ridi e pensâ. Alc di curt curt. E te ostarie cuant al covente alc cussì al è soregut un che al sa poiâle ben: **Laurin Zuan Nardin**. Provait, provait a viodi, ce che nus à contât, in cheste dal 2018, di **Siôrs e Puars...**

L'Ostîr

***par il cjanton di Contis inte Panarie
dal n° 210 dal Setembar 2021***

E par abonâsi a **la riviste**, scriveit a info@lapanarie.it o vait a fâ un scjampon inte librerie La Tarantola o butait un voli al editôr La Nuova Base.